



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita & Rebus gestis P. Petri Canisii, De Societate Jesv,  
Commentarii**

**Sacchini, Francesco**

**Ingolstadii, 1616**

Singularis Canisij obedientia.

**urn:nbn:de:hbz:466:1-41515**

1548.  
singularis  
Canisij obe-  
dientia.

Anni in sequentis Martio mense, cum in Siciliam prima societatis Colonia mitteretur ad Mamer-tinos, inter alios egregios viros Petrum quoque Canisium placuit Ignatio proficiisci artē Rheto-ricam professurū. Sed iuuat ex ipsius autographo posteritati prodere, quam perfecta obsequij lau-de vir, qui poterat vbiicumque voluntas ferret, in-ter hominum plausus, honoresque versari, profe-ctionem illam suscepit. Exploraturus per eam occasionem Ignatius alumnorum suorum obe-dientiam, dum delectum parat, certa proposue-rat capita, & quādam in iis, si insipientem homi-num sapientiam spēctes, absurdā: cunctis dome-sticis viritim scripto edere iussis, quem quisq; ad ea gereret animum. Ad quā Canisius ad literam ita respondit. Habita mecum qualicumque deli-beratione super iis, quā Reuer. in Christo Pater-meus, & Præpositus M. Ignatius breui proposuit, Primum, adiuuante Domino, in utramuis par-tem æquè per omnia moueri me sentio siue do-mi hic manere perpetuo iusserit, siue in Siciliam, Indiam, aut quōuis alio transmiserit. Tum si in Siciliam abeundum sit, simpliciter mihi gratissi-mum fore profiteor quale quale iniungatur ob-eundum

eundum illic officium , ministeriumue , etiam  
Coqui,Hortulani,Oliarij,auditoris,& in quauis  
disciplina, licet mihi ignota, professoris. Atque ab  
hoc ipso die, qui est quintus Februarij sancte vo-  
ueo , sine omni respectu me curaturum nihil in  
posterum, quod quidem ad habitationis, mis-  
sionis , similisque commoditatis meæ modum  
vllum facere posse vñquam videbitur , relictæ  
semel, ac sempere iuscemodi cura, omnique soli-  
itudine Patri meo in Christo Reuer. Præposito.  
Cui sanè tam quoad animi , quam corporis gu-  
bernationem , & intellectum ipsum, & volunta-  
tem meam per omnia plene subiicio , humiliter  
offerò , fiderterque commendo in Iesu Christo  
Domino nostro. 1548. Mea manu scripsi Petrus  
Canisius Neomagensis.

Fuit Syngrapha hæc Canisij non magis præsentis index, & pignus voluntatis, quàm obedienciæ in totam deinceps vitam perpetua norma. Vbi decet animaduerti, quam se totum, ac penitus Holocaustum fecerit, quantumque sibi vltro necessitatem imposuerit, cum priuatim illo fidem obstrinxit voto, nihil curaturum vnquam, quod ad habitationis, missionis, similisque com-

F 3 mod-

moditatis suę modum ullum attineret. Latissime enim patet hęc sponsio: si que religiosę, vt semper ille præsttit, obseruetur, nihil homini prope integrum, liberumque relinquit: nec facile quisquā nisi obdientiæ absolutissimæ studiosus intellexerit, quanta in exercitatione tali virtutis præstatio sita sit: quam frequens, & animosum, & magnificum sacrificium.

Sub ea destinatos Sicilię socios, antequam Roma discederent, voluit beatus Pater ad Pontificem summum vniuersos adire, ab eo faustum itineri, ac cœptis precationem accepturos. Et quanquam aderant viri graues, & eloquentes alij, tamen Canisio affandi Pontificis partes imposuit: qui latinam orationem minimè prolixam, sed admodum piam, temporique accommodatam habuit. Peruectus Messanam, veterem obtinuit morem industriæ, atque sedulitatis suę: vt nequaquam simplici labore, munereq; uno contineretur; sed quicquid in rem animarū caritas, obdientiāue offerret, cupide, ac solerter arriperet. Non itaque dicendi præcepta duntaxat tradebat summa in gymnasio cura, & præclaris identidem orationibus declamabat latinè ad nobilem, doctamq; coronā, sed etiam sacris diebus verba

*Destinatus in  
Siciliam pro  
sociis Ponti-  
ficem allo-  
guitar.*

*Messane do-  
ces Rheto-  
ricam.  
Et conciona-  
tur Italice.*